

Broj:  
Sarajevo: 16.02.2017.

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

PRIMLJENO: 16.04.2017

Organizaciona jedinica	Klasifikaciona oznaka	Redni broj	Broj priloga
01-02-R-	490	17	

**PREDSTAVNIČKI DOM  
PARLAMENTARNE SKUPŠTINE  
BOSNE I HERCEGOVINE**

n/r Šefika Džaferovića, predsjedavajućeg

42. sjednica Predstavničkog doma, 16.2.2017. godine

**Predmet:** Prijedlog rezolucije o želji za napredak Republike Hrvatske

Na osnovu člana 163. stav (2) i člana 164. Poslovnika Predstavničkog doma Parlamentarne skupštine BiH ("Službeni glasnik BiH", br. 79/14, 81/15 i 97/15), podnosim Prijedlog rezolucije o želji za napredak Republike Hrvatske.

Predlažem da se u dnevni red 42. sjednice Predstavničkog doma Parlamentarne skupštine BiH uvrsti nova tačka pod nazivom:

**"Prijedlog rezolucije o želji za napredak Republike Hrvatske".**

U prilogu Vam dostavljam Prijedlog rezolucije o želji za napredak Republike Hrvatske.

Poslanik SDP BiH

Saša Magazinović



*Imajući u vidu da su dobrosusjedski odnosi jedan od prioriteta svih zemalja naše regije, pa tako i Republike Hrvatske,*

*Polazeći od zajedničke prošlosti novonastalih država u regiji i pretpostavke da smo svi zajedno mnogo naučili iz nje,*

*Vjerujući u zajedničku budućnost, mir, solidarnost i saradnju u regiji,*

*Smatrajući da prijedlozi koji u posljednje vrijeme koordinirano dolaze od političara iz susjedne Republike Hrvatske, a tiču se unutrašnje politike i odnosa u BiH, imaju cilj da u dobroj namjeri savjetodavno pomognu diskusiju oko jednog broja otvorenih tema u Bosni i Hercegovini,*

*Iskazujući želju da, također u jednako dobroj namjeri, sugestijama i savjetima uzvratimo prijateljskoj i susjednoj državi Hrvatskoj i njenim najodgovornijim političarima,*

*Iskreno želeći bolji životni standard i ljudska prava za sve građane Hrvatske,*

Na osnovu člana IV.4.(e) Ustava Bosne i Hercegovine i člana 163. Poslovnika Predstavničkog doma ("Službeni glasnik BiH", broj 79/14, 81/15 i 97/15), Predstavnički dom Parlamentarne skupštine Bosne i Hercegovine je na \_\_\_\_. sjednici, održanoj, \_\_\_\_. \_\_\_\_. 2017. godine, usvojio

## **REZOLUCIJU O ŽELJI ZA NAPREDAK REPUBLIKE HRVATSKE**

1. Predstavnički dom Parlamentarne skupštine Bosne i Hercegovine smatra važnim da vlasti u Hrvatskoj uvažavaju stavove iz Izvještaja State Departmenta iz ranijih godina u kome se navodi da su socijalna diskriminacija i slučajevi nasilja prema manjinama, ženama, LGBT zajednici, te korupcija u vlasti najveći problemi pri poštivanju ljudskih prava u Hrvatskoj, te da učine konkretne aktivnosti na otklanjanju pomenutih problema;
2. Predstavnički dom Parlamentarne skupštine Bosne i Hercegovine poziva Vladu i Sabor Republike Hrvatske da, u svrhu pružanja ruke pomirenja u regiji, razmotre mogućnost davanja statusa konstitutivnog naroda ili na drugi način definisanog

posebnog statusa i prava najbrojnijoj nacionalnoj manjini u Hrvatskoj, čiji je broj drastično smanjen u toku ratnih sukoba devedesetih godina;

3. Predstavnički dom Parlamentarne skupštine Bosne i Hercegovine poziva Vladu i Sabor Republike Hrvatske da svjesni indexa korupcije za prošlu godinu koji pokazuje da je Hrvatska nazadovala u borbi protiv korupcije i da se ponovo ubraja u korumpirane države, konkretno i kredibilno djeluju kako bi naredni izvještaj imao pozitivan trend;
4. Predstavnički dom Parlamentarne skupštine Bosne i Hercegovine poziva najodgovornije političare da poduzmu konkretne aktivnosti na ravnomjernom ekonomskom razvoju svih dijelova Hrvatske, te da se na taj način smanje ekonomske i druge razlike koje su danas vidljive u različitim krajevima države;
5. Predstavnički dom Parlamentarne skupštine Bosne i Hercegovine smatra važnim da se zaustavi jačanje desničarskih pokreta i djelovanja pojedinaca i javne promocije ustaštva, te poziva vlasti na svim nivoima da se snažno suprotstave različitim oblicima narušavanja antifašističkog opredjeljenja i imidža Republike Hrvatske
6. Predstavnički dom Parlamentarne skupštine Bosne i Hercegovine vjeruje da će u duhu dobrosusjedskih odnosa Vlada Republike Hrvatske učiniti napor da se radioaktivni i nuklearni otpad ne skladišti i ne odlaže na području u blizini granice sa Bosnom i Hercegovinom.